

余文敏公文集

余文敏公文集卷之十二

寅樓歌壽郝封君

曜霽初出東海東欲明未明天末紅俄升若木
照八極煜燦正射崑崙宮崑崙五城十二樓瑤
房石室連瀛洲寰中隱見金銀氣天風引舟不
能留寅樓主人霍嶽姿翩翩磊落神僊流龍馬
為神玉為骨渠頭深目眉雙修乾坤漭漾羅霄
臆當年抱髓棲丹丘丹丘窅窅不欲住却向人間
汗漫遊我聞仙人好樓居維揚之東翁之廬上

臨斗宿高不極下見烟霞籠綺疏飛拱鬼莪紫
霓掛層梯蜿蜒凌碧虛飄然陟茲窺倒景愕眙
俯眇崑崙墟翁居樓中煉大藥時披寶笈翻靈
書渺渺天際人徑絕窓外惟多雲卷舒雲端瞳
瞳閃大陽手排丹戶迎朱光振髮朝吞燭龍火
便驅駿鳥登扶桑尻輪神馬走萬里恍與六螭
相翱翔更從廣成順下風忽駕雲輶來帝鄉君
不見鬱儀仙與日同奔躡紫烟又不見羲仲氏
寅賓日出嵎夷前咸池濛汜紛若馳誰挽和馭

迴虞淵豈信翁能延白日扶持混沌旋先天
元甲子從此始老而復姪年復年登翁樓祝翁
壽為翁一賦寅樓篇

予在告李孝父枉顧

半月疲朝謁深慚侍從年悔非知己少愚肯受
人憐司馬貧為病稔生懶自便歸家無不可猶
喜及春前

友人惠名花兼有佳什爰走筆奉答并訊
湖上之約步韻

感君多意氣客興日翩翩瓊樹絲相况瑤童更
比妍無媒慙報李有得敢忘筌不失尋芳約湖
頭已繫船

同周中丞詠李孝甫看雲池

半畝泓澄一徑微杖藜獨立看雲飛孤踪此夜
蒼梧宿羈跡何年劍外歸莫道墳箴終寡和還
忻棗萼永相輝習池肯借山公醉醕酎狂歌送
落暉

遊山寺和張司馬韻

十里松陰路逶迤路傍麋鹿故相隨參差翠竹
風前亂遠近青山雨後竒對席名花如勸酒隔
林黃鳥若催詩夷猶頓覺塵寰小柏子香浮月
到池

宿隆禧寺用王侍御韻

雨過南郊人跡稀偶逢老衲話禪機滿林花影
僧初定隔岸山光樵未歸千古漢文能惜費九
原韓子獨知非眼前黃葉隨秋盡故向西風嘆
夕暉

壽大司馬張公七十

多才不媿馬相如，長日看雲還著書。
千歲日當桐葉後，九秋杯進菊花初。
譽髦入彀爭呈賦，仙客登龍笑曳裾。
元老正宜承顧問，玉顏端復佩金魚。

和周中丞張尚書酬寄

清世何人顧草廬，自憐空玷薦賢書。
百年心賞有誰共，千里襟期獨我踈。
江上瑤華多寂寞，天邊麟鳳漫踟躕。
平津高閣無由達，那復人前強

佩魚

又

乘興歸來髮未秋，便同農長報先疇。
扶桑忽應潢中劍，細柳誰分閩外憂。
開濟定應來簡命，懷
徠寧復見荒丘。
先生消息元來大，豈俟山林物
色求。

過廣陵懷舊

三月鶯花壓酒樓，依然二十四橋頭。
滿城烟雨隋宮夕，兩岸帆檣楚水秋。
西下龍門憐舊好，東

歸雀舫試重遊故人落落今無幾搔首江天數
點鷗

訪山僧

步入溪橋路綠何晝掩扉殘紅遶澗落嫩綠出
林肥定起開蓮社詩成坐夕暉飯麻應有約借
榻可忘歸

宿新寺

八月乘槎客秋風兩袖清故鄉千里隔新寺一
燈明猿嘯橫山月鴻悲入塞城老僧時款坐咲

我絆浮名

寄懷李山人

飛雪長驅指帝關，故人搵袂對離顏。
青樽夜倒東湖月，白髮羞違故國山。
舊日綈袍憐我輩，此時綵筆動人間。
何當投轄趨三徑，小桂叢叢得重攀。

登焦山

浮空殿閣碧嵯峨，吳楚提封上下波。
潮入海門吞日月，秋深石窟隱鼉鼉。
吸江亭在猶堪據，陸

鶴銘隳不復撐偃息獨憐焦處士夜寒微雨臥
山阿

金山寺

天地滄茫外中流忽有山山從海上來人物浮
中間混混去無垠用筏始躋攀西北雄楚甸東
南壯吳關震蕩極坤靈足為王氣閑龍鰲伏其
下詎敢肆神奸潮隨臺殿出汐隨鐘磬還凭欄
一呼鶴使我飛心顏

阻風黃河寄柴方伯四首

修阻無南北交親中歲稀幾時書不達何處瀉
仍歸春色啣杯過風湍夾岸飛鑿坡重寵渥何
日遂初衣

遲明風不定河源若倒流曉燈津吏候夜語榜
人憂仙旆無從發靈槎詎可浮舟中祇書劍何
物許先投

黃河愁欲破落日亂啼鴉岬折疑無路春深不
見花塵沙迷賈道草色沒人家北望長安處那
堪老歲華

數聽沙崩岸維舟無與隣出淮春盡夕過沛雨
兼晨渺渺朝天路區區漆翰臣波濤心不住夢
已上 楓宸

送呂中父還山

明時詞賦仗吳鉤落落風塵不可留岬坼蛟冰
雲外倚海吞蜃氣望中收繞朝孰贈隋生策去
國全凋季子裘借問空樓何寐莫故園春好好
歸休

中父別號
空樓髮僧

李孝甫遊長安余適臥疴而渠別歸悵然

有懷賦此

萬里辭燕客三年尚馬曹
河汧遲出牧湖海且
征舸臺下黃金盡
弦中白雪高
西山多爽氣慎
莫即林臯

君歸方鼓柷我病欲抽簪
惜別驚流火論交許
斷金楊朱空有淚
莊舄不忘吟
夢逐君舟去
搖故國心

邠堪搖落後况復別離愁
一失即千里相看柰
九秋謾裁王粲賦
不上李膺舟
送送無能遠
風

前一倚樓

送胡別駕

美人攸郡許誰同况復翩翩國士風
展驥霜毫輕百里佩刀物色自三公
行春膏雨露於越擁傳屏星照海東
治行只今推第一徵書十道下南宮

郝謙伯應舉未京作二律以勗之

將赴公車召寧辭爰舍勞群空燕址
駟向壓廣陵濤三獻心隄苦一鳴聲
自高飛揚天地外此

意屬吾曹

忽從千里駕見面一何稀
媿我藏鳩拙憐君比鳳飛
腹中書足晒夢裡筆生輝
努力青雲事毋令始願違

上巳日聊城宋使君讌集

齊郊烟景意如何
上巳韶光忽漫過
堤柳浮烟乍清淺
野芳醮水故婆娑
雲連睥睨蒼龍迫
風動帆檣彩鷁多
何處不牽遊客思
春風一路擁笙歌

四日早發將抵泰嶽

願言禮名嶽謾載使君車
青匝千家霧紅蒸萬
樹霞香風吹盡角遲日晃崇牙
遮莫耽幽勝渾
忘行路賒

途中

春日褰帷問翠微
春郊無地不芳菲
梨花雪濕
白欲碎草色雨餘綠乍肥
天末烟霞引征旆
道傍薜荔上初衣
脩然頓愜區中賞
此日抽簪願
不違

薄暮

條風拂地衣生涼
閑雲晶晶浮晴光
白日散影忽欲匿
青春行樂殊未央
南瞻岱嶽高天杪
東出齊門大漠荒
應喜公餘時極目
莫令野色起蒼蒼

銅城驛

恍若桃源路人言
可避秦家家蓬屋
短樹樹棗花新緬
矣東阿舊居然
大古民清時無長
物尊酒話芳春

五日早霽山行

早出驛東門仰見朝日暎瞳矐初旭忽明滅四
山尚帶雨餘痕草際烟浮濕不見亂雲已散俄
復屯堤邊弱柳低不舉沙上輕鷗飛乍翻劃然
風迴霽色開山勢回合來如奔由來山靈為我
邀芝駕故遣雨師灑潤清郊原不者昨晴今却
雨儵忽之間變朝昏明朝日觀峯頭宿將披若
木探天根

望岱

岱山望不極望望雨中滅雲送近山來風吹微
雨歇前村樹若薺遠澗洲如月林花紅欲然澗
草香逾烈蝶翻閒過慢鳥鳴偏近轍旁矚萬象
妍遐視千里豁何異樂遊原矧乃清和節不憚
衝泥行冷然清興發自古宦遊人隨地可怡悅

河堧

人家盡處一川迴杖策尋山逐岬來南北烟沙
分兩地不知何處是蓬萊

汶河

褰裳厲汶水汶水何滌洄水光與沙色相暎白
皚皚輕波疊細紋靜不聞風雷策馬立水曲馬
跡印蒼苔緬思汶上人千古胡悠哉

闕里

暮春過闕里春服喜初成忽動風雩思如聞嘆
詠聲邈然千載下感古有餘情

謁孔廟

憑轍東來謁聖人肅然遺像得相親龍盤老檜
生風雨兔走空林嘯鬼神麗日行天千古道大

鈞播物四時春悠悠歲月成虛度四十無聞愧
此身

兗州逢游使君

涑水接天平回舟兩日程
茆茨周俗舊邑里禹
王名天遠低垂野沙明
曲抱城官遊真足適到
處有逢迎

上元

伏軾初從佳麗地懸燈喜及上元朝
金吾夜禁
毋相問玉樹春醕喜見招北闕晴光籠月殿西

清寒氣薄星橋宦遊不必嗟離索吏隱何妨在
市朝

署中雪夜

春來雪滿秣陵關無地探春春自閑四壁寒光
搖玉署千門夜色照鍾山月遲影動簾旌外風
細聲沉鈴索間却憶故山湖色好那能清夢不
飛還

遊靈谷寺

憑風夙馭即山中逕入烟蘿翠萬重佛子鉢衣

函寶月天王玉塵散瑤峯茵承細草眠新鹿蓋
拂高松起伏龍更欲攀躋凌上界問僧何處覓
仙蹤

雪霽

初春雪後見芳菲積素凝華冕客衣潤入江梅
紅蕾放煖先宮柳碧滋歸土膏脉脈泉初動雲
物依依凍不飛獨有鍾陵浮玉氣驚看王樹倍
光輝

有懷故園

新春小雨餘，忽漫憶園居。
甃石堪垂釣，分畦可種蔬。
迳荒萬个竹，池活幾頭魚。
路遠不能致，令人增鬱紆。

春夜旅邸有思

細雨春初夜，空齋獨客心。
風前燈影亂，漏下柝聲沉。
不寐理新帙，無言對素琴。
為思彼美者，那得不沾襟。

春曉

西清小閣入空明，雲物輝輝漾曉晴。
小燕歌風

還漲語疎梅怯凍若含情苑邊新水涓涓淨天
未孤霞疇疇明窮谷及今生色異春風無地不
敷榮

鍾山晚霽

江郭雨初霽微茫日欲曛黛呈千嶂秀潤浥五
城芬曉色明光迥春流太液分宦遊多適目花
事正紛紛

又

雲外矗危峰春明紫翠重神臯闕日月帝宅

走虬龍雙闕晨光滿
千年王氣鍾不須風雨夜
自有鬼神從

皇陵道中

小輦乘曉發迢遞問花臺
路向皇陂轉山從紫極迴
衣冠猶月出宮闕自天開
萬古文皇烈江山故壯哉

靈谷寺松關

松關竊歷不知年
萬仞虬枝欲破天
安得逃禪棲此地
因之種玉弄蒼烟

遊雨花臺南高座寺

曲入祇園路來尋大士家
不言空五蘊聽法演
三車拂座飄丹葉
流杯落赤霞
更憐山下鳥猶
自識天花

望栖霞

帝里饒山水閒中得勝多
水含新柳暗鍾帶晚
烟和山有蟠龍處
人無結駟過却憐在
城市終日醉顏酡

清涼寺

人說南唐初盛年離宮遠構白雲邊三乘帝語
舊蓮社五色霞光新梵天雲起有龍常護法客
來無樹可安禪却思異代興亡事何物風塵不
可憐

送張嶠峽

客行新霽後曙色啟城頭晚徑穿雲濕春塘帶
雨流江籬牽客思山鳥喚春愁底事新芳歇王
孫不可留

早謁 孝陵

肅肅事宵征星言趨
帝城周廬松影密繞徑
月華明 王氣浮千嶂
晨光徹九京小臣新展
謁那得不屏營

偶述

青陽翳積晦素雪吹微颺
嗒然坐空庭寒光搖
緹帷攬衣知帶緩抽簪知鬢衰
人生已過半後來不可知
尊名不易處盛年難再持
俯仰聊自喻行樂母乃遲
何當命儔侶策足振其綏
歸拂山之阿白日以歲蕤
采藥鑄紅顏王喬為等期

其二

嗟余負幽癖思凌九州外一朝想山中風吹女
蘿帶以此激孤懷喟焉志彌邁况乃春陽滋韶
光徧巖瀨湖波明樹間石色含烟媚開尊近魚
鳥賞以崇深會拊化契冥詮孤往復奚礙抗手
謝故交飄然脫塵籟

焚黃

寸心縈細草孤念感晨霜天上龍章重山中馬
鬣長凍雲浮曉日抱村黃不盡思親淚臨

風已濕裳

望先隴

寒望丘中路迂從十里間
霜清葭菼白水涸蘚苔殷
鼓柁驚寒鳥開帷見遠山
何當棲此地終日聽潺湲

舟中懷張李二山人

歸山半載又辭山小桂茸茸不可攀
欲伴魚樵今未得相從麋鹿爾何閒
天涯蹤跡飛蓬外歲莫陰陽過鳥間
倚棹不言思往事傷心容易二

毛斑

別湖莊

年來屏跡大湖濱，共說先生隱是真。
此日忽隨青雀舫，逢人不製白綸巾。
烟霞何處牽行騎，猿鶴無心遲主人。
無奈驪駒催物役，野心終自戀湖春。

送吳生歸姑蘇二首

仙客從三島，耽幽問四明。
雲霞紫芝宇，湖海白鷗盟。
蚤歲曾傳賦，清時獨避名。
相逢非有素，相

別重牽情

休沐故園暇過從吳會賢
翩翩來二稔邈邈遲
孤鶩鴻鵠烟霄外芙蓉秋水邊
子虛成賦久誰為達君前

寺樓對雨

城東挂片雨颯颯過西偏
氣徹諸天外聲流雙
樹前浮涼吹積靄飛濕洒空烟
不必金莖露相如渴可捐

寄上晉王

帝子開玄社，雅風被朔邊。
寵居同姓上，禮極衆藩先。
雁塞黃榆月，龍庭白草烟。
關河三晉險，雨露九州偏。
樂類蒼旂出，臨朝盞綬懸。
緇衣真好德，華袞亟稱賢。
姑射神俱王，崆峒道已傳。
禁嚴天象逼，館敞日華鮮。
自能傾碣石，真可陋甘泉。

贈董龍山計偕北上

有美東吳士，翩翩廊廟姿。
渥洼龍骨異，丹穴鳳毛竒。
赤汗沾千里，靈文繫五綦。
瓊光鑠瑰瑋，馥郁襲蘭芝。
彷彿窺玄奧，婆娑泳聖涯。
濡毫泝蒼

頴絕韋授黃羲飛藻偕雲爛豐華待日披談經
曾折角契道獨楮頴芳頴紛璀璨錯英蕤故委蛇
餐璣天目表濯秀霄溪湄陽以七來復明逢兩
作離夫達擢高足皇路即前綏抱璞終歸楚投
珠竟入隋一經韋氏業三策董生詞籍喜通金
馬臚傳下玉璫先資陳璧玉後序紹弓箕文伯
儀章府休昭獻納司清芬揚素冑烈響振洪支
司馬稱牛走夔龍出鳳池相門元有種玄鑒固
無私自媿蓬蒿質嘗拔瓊樹枝鯉趨聞不異驥

附方能追際爾彈冠會欣茲贈策時願言崇令
德努力赴昌期

九日登雲龍山步趙學士韻

望裡秋山帶夕陽巾車寒影踏微茫蒼崕白磧
浮荒疑宿莽藜茆翳古岡萬里皇輿新水壯千
年霸業野雲涼莫於此日悲搖落遲子登高共
酒觴

秋日偕友人泛舟過柳亭菴

蒼蒼秋日掛城邊城外看秋穠可憐萬里晴光

搖睥睨一江夜色上樓船開尊影落藤蘿月拂
座香飄橘柚天此日仲宣應有賦肯留麗句向
人傳

其二

一自抽簪無長客每過禪榻日徘徊挈舟曲向
蕪葭入捲幔迂從薜荔迴江介清浮烟欲歛林
臯白動月將來與君接席論河朔嗟坐無妨數
舉杯

東湖雜作八首

山巾風細白雲輕
山外堤橫湖水平
為語山前插禾者
湖田百畝莫栽秔

雨後新晴氣晏溫
霞光旭色亂衡門
却憐塵世須臾事
覆雨才收雲又翻

何處幽香撲酒尊
洲中杜若畹中蓀
紉來為佩裁為服
不許蘋蕪挂蓽門

天上長虹百尺飛
忽垂湖面弄清輝
夜深欲馭天風上
伴却嬋娟露下歸

虞卿愁著八篇書
陶令羞擔五斗儲
拂袖歸來

窮亦得江湖何處少羨魚

贖得門前一大湖家無擔石市無租醉來高枕
醒來坐不問枯身類櫟株

朝沾白墮花間醉夜拂蒼斑石上題怪底袖中
霞氣滿支筇曾過石橋西

靜來心性自如如趺坐山中譯佛書翠竹黃花
隨處得不須門外覓三車

送吳山人遊天台三首

春雲滿天地遊子將何之投袂徑萬里白日相

威遲行行軌踞長名山以為期邀目要遐景矯
足登隆坻云遂丘中性力頓不知疲流颯騰羽
翼晨光東南馳去太不復道飛蓬安可追

南州有霧嶽嵯峨造太清衆巒襍如縷霞起標
赤城嘗聞葛洪子煉藥此長生東沂紫沂海窟
宅疑蓬瀛延首金銀臺可望不可征客有鶴上
僊飄颻以登明我欲送之去空復中道情

蚤歲稅塵鞅歸卧山之阿田園聊自托恒苦疾
疢多夏月陶嘉樹拊之以婆婆三徑方就荒忽

枉求仲過詒我徑寸翰和我大道歌一唱有遺響霍然起沉疴握手一相失柰此難別何

病起次友人韻

伏枕彌三月出門猶及春安知滯城邑幸早謝
簪紳白首未云暮青山肯負人送茲稅逸駕日
日大湖濱

贈朱山人

青春卧疴棲山澤鼪鼯當徑虎當陌山深風急
松栝寒荆扉晝扃絕塵軌有客款段來豫章手

抱青囊口黃石炯瞳踈髮煙霞姿為余規天劃
地脉余也汗漫江海人生平復抱尋山癖俄聞
客言心嗒然耳目張皇足欲躄聞客宇內山川
竒五嶽四溟皆歷歷嘗從丹池踰清源亦向靈
厓探神跡左蹲文豹右伏螭馴龍馴虎相辟易
曲流沿洄口可吞曾阿小瑣手可擘禪海之物
盡么麼俛仰堪輿落几席懸河纏纏百千言相
與山堂數朝夕恍若天風吹我心倏爾羽翰生
兩腋願言與客相翻攀遮莫行蹤窮八極却嗟

嬰疾憂如醒蹇步莫附晨風翼山中遊目送冥
鴻遲爾高秋霜露色飛梁萬丈倘可躋支邛振
策隨所適

古洞供佛

何日支祇苑茲年闢洞天無聲不坐佛有地可
安禪絕壁慈雲住高岑慧日懸我來瞻寶相長
此禮金僊

城南泛舟三首

城南水滿陂鼓柁日逶遲沙色千郊迥雲陰四

野垂問竒頻過客命酒謾呼兒幸有羊何輩無
嫌醉習池

躡屩出南城人疑谷口耕川原隨坐得雲日並
舟行世事看羅雀幽懷屬聽鶯會當投白社此
地學無生

過橋蒼靄合入寺日光微林暝鳥聲亂川迴人
跡稀誰言冠蓋里可易薜蘿衣徙倚無愁暮相
拚酌酌歸

次李山人韻

朝來寧宿莽日夕濯潺湲吾道元藏拙浮生好
是閒大江流白日遠水浸青山歌吹斜陽裏搖
搖未擬還

又

霽色浮芳甸相期汗漫遊藉蘭依古岸蕩槩自
中流客有丹丘約言無白璧酬所忻心賞愜何
物伴閒愁

贈呂山人遊澤潞謁潘王

有客趨三晉飄然不可攀天青潞子國雲薄太

行山逆旅眼多白歸心鬢欲斑相逢問真隱何
目拂衣還

其二

吾憐呂處士匹馬向中原不問家人產惟銜國
士恩曳裾從列辟授簡累千言鄴下才名重應
徐得共論

其三

相見未云久相違無柰輕尊前湖海色天外薜
蘿盟春與故人去愁隨新柳生平生雙淚眼為

爾獨沾纓

其四

少藏丘壑志終歲走風塵
白璧終還趙黃金再
去燕片雲憑短劍落日
逗離筵一別即千里心
飛大漠前

湖莊對客

投効身將老閒居好自敦
大湖流日月深谷駐
乾坤客是侯巴酒吾非揚
子門草玄雖未及一
飲似平原

遣廷椿兒之豫章柴岳伯署畢婚

那辭江漢阻遣汝正婚姻彭蠡生初月匡廬及
早春斑衣憐仲子花燭領佳賓行矣無留滯天
涯有二親

憶舒園寄諸友

小有樓居海嶠邊百花島嶼半湖田身疑蓬閣
真仙侶地縮台明小洞天八斗分來詩卷裏萬
山飛落酒尊前風流總憶應劉輩贏得人傳漢
魏年

東湖吊古

錢湖佳勝萬山臨
暝水樓臺花木深
開拓平時八百頃
不知誰祀陸南金

夏日携尊延慶寺
同賓甫子行二山
人得留字

二紗邀相過禪宮
避暑墻東借隱逸
河朔任風流
日氣衝林迥
雲光滿樹浮
晚涼看水月
橋上喜重留

贈郝孝廉得子

分文每公角 卷一 十五
伴到傳雙鯉年來得一雛朱明榮謝樹碧海燦
隋珠彩挹三山鳳神超千里駒他時看步武詩
禮慰庭趨

贈柴國醫

懸壺精妙術小隱市曹深為讀倉公傳因多濟
世心膏肓逃二豎肘後著千金隱德君家事春
來杏滿林

鳳凰臺

龍蟠天闕迥鳳去石臺虛烟柳三春半江山六

代餘提封吳楚拆分野斗牛墟忽覽千年事徒
令達者歔

高座寺

筍輿尋磴道何處問招提忽見長干草因懷故
苑薇宦遊多寐歷春事幾芳菲祇為探幽跡何
言獨好奇

蔣山道中

曉尋靈刹去一迳入層氛牽佩多幽草當軒有
亂雲野芳猶可擷山鳥不嘗聞莫以春光晚春

遊固有羣

哭三兒四首

兒死應知惜寧猶未有兒才因永訣日憶到試
啼時生滅雖無等彭殤固有差憂來心欲裂那
得不咨洟

莽莽乾坤裡栖栖何所依誰知骨肉淚却向異
鄉揮定痛思還痛音歸魂不歸九泉相隔遠何
處問庭幃

兒魂何處所親思欲翻飛忍聽閨中泣愁看拊

上衣水應無日返蘭不及春輝欲叩蒼蒼者無
階不可幾

弱冠傷何蚤猶言已過孩獨憐芳蕙質不及大
樗才永日干行淚悲風萬木哀應從故園去冥
冥赴泉臺

芍藥

朱明初霽靄晴曛紅藥歲蕤散曉芬仙種疑從
靈苑得天香知自御爐分上林春色應憐汝南
國佳人欲贈君翻向風前含笑語似來席上寄

卷之二
十一
慙慙

賦得玉河柳送葉節推

使君書律上 楓宸共說屏間姓
字真不為下車勤
禹泣直從祝網播
湯仁風搏鵬鸚清
旻迥波息鯨鯢瀚
海春天上徵書應
日至却憐空企屬
車塵

壽洪山人

處士年來薄世情
却携妻子鹿門耕
新篇海內傳應滿
大藥山中鑄已成
鴈宕烟霞雙屐老
鷗

江風雨一帆輕自憐白首沉金馬幾得從君問
達生

送南太宰汝泉趙公二首

除書一日下丹霄帝念山公啟事勞履上星
辰齊北斗手齊衡鑑長東曹迴車汝水秋光薄
搯笏鍾山爽氣高自是鎬京多髦士盡令濟濟
屬甄陶

那得如公意氣偏一時東省共周旋相期然諾
金蘭外幸倚風流玉樹前廿載聲華高八座兩

都文物重三銓即從北極看南極夜夜星光燭
斗邊

過李山人讀騷軒

滿地斜陽半在庭憐君杜埽戶常扃扶踈蔭落
梧桐碧旖旎香搖薜荔青有客絕絃歌郢調無
人擁膝讀騷經漫疑當日陳家事百里應傳聚
德星

送趙心堂學憲之閩

一尉三年按大藩升沉總是 聖王恩當時抗

疏聲猶藉此日傳經道自尊百粵雄風開憲府
九峰寒色動詞垣 明朝若問中和頌為道諸
生已在門

小園卧病懷友人

高林清夏歇病起玉蘭堂樹嬾青虫墮花深紫
蝶忙閒常羨裴馬久不過求羊獨據蒼梧坐涼
颺入葛裳

葵軒詩為張封君汝懷賦

日月湖濱霞嶼麓有阿翁兮此盤軸雲臥霞殮

隔風雨不與塵凡胥館穀誅莠剪棘營幽軒地
偏心遠違囂誼人情物意各有適執葵遶軒葵
日繁阿翁手持綠玉杖日陟軒墀與葵向雨露
厭浥深歲年雲錦歲蕤列屏障洛陽朱門花品
竒昔日玄都人跡稀公儀已矣鮑莊死傾心衛
足怛如茲五月南薰正飄拂開軒嘯坐初花發
滋蘭植蕙果伊誰把酒臨風校齊物物態真憐
一丈紅花神顏色宛如翁采花酌酒為翁壽一
飲三百薰風中翁兮葵兮與天十日相始終

蘇胡耆其無窮

扈 駕上壽陵

復道黃旗出金華暫輟筵
泚清黎兆業淵穆
聖崇天所諭承休爾茲巡
匪偶然飛聲雷出地
拂曙日乘乾委珮千官擁
靈旂萬象縣法槁清
漢上行漏彩虹前渤海臨
鯨使崑崙降鶴仙天
開金玉藏勢合虎龍躔
紫籙神堯秘瑤圖帝禹
玄屬車陪顧問黃紙代
傳宣蘭菊汾河頌風雲
沛里篇 皇情敷睿藻萬國慶豐年

元旦朝賀

聖主垂衣御六璫日高花影上
罌罌霞光曉散披香殿龍氣春深
太液池千年帶礪修文候萬國衣冠
會計時正喜兩宮承愛日普天黎庶
頌伊祁

郊遊

華筵高啟帝城傍秉燭迴看夜未央
老去幸於行酒健官閒添得蒔花忙
輕枝細舞尊前影殊色全歆月下妝
徙倚最憐秋事晚酒闌那得不

原缺

因木李報投瓊河橋酒醒雲陰薄野市天高霧
氣清海上故園勞寄訊天邊遠道遲歸程江帆
斜曳征鴻影澤國新添白雪聲午院焚香憐有
伴秋空聽梵悟無生流光過電巖頭草幻跡飄
風水上游君去茂陵多著述予淹漢闕媿功名
長安隱德非方朔五岳從遊羨尚平何日抽簪
歸海嶠與君采藥訪蓬瀛

遊天寧寺

欲向名山證道心還從佛地恣游尋早飛金錫

天邊路夕翳瓊華雲外林臘後雪融虜水淨春
來草莽雁門深定知巡禮禪關日遶殿花香和
梵音

大閱應制

天王耀武詰神兵清蹕鳴鑾出鳳城後騎長楊
陳太乙前軍細柳掃攬槍蒐田立表申春令肆
軼除戎戒夏卿雷動六飛黃道迴天迴萬象翠
華清按行龍武三軍色扈從魚鈴七萃名輦下
塵消雨飛道仗前氣肅日臨營周廬繚繞元戎

侍行殿差我上宰迎拂拂龍旌麾鐵騎闐闐
鼓疊金鉦風搖月羽千山曉日暎星旗萬火明
競羨烏號誇命中齊分雁翼見從橫三驅禮洽
恢天網七德功成闡帝紘遂使 皇靈威左社
無勞群策請長纓榆關草合天驕遁蒲海烟沉
日遂驚 聖世稱戈揚 祖烈小臣獻頌紀天
聲固知神武非由殺却道王師尚有征

咏玄兔圖應 制

有兔從玄圃當年舞鎬京晴暉團月魄夕彩散

星精紫極疑分影，瑤光顧幻形。纖毛應秋黑，朱
目比丹明。不逐梁園勝，來依桂闕清。彤庭憐自
好，髣殿撫初呈。葉密仙人仗，花芬神女嬰。趺居
並溫樹，吮吸盡華平。似矯纁旂繞，猶馴黜輅迎。
祥因水德重，氣與金天并。占律知符應，披圖悞
睿情。願將萬年藥，須爾度長生。

壽張岳伯二十七韻

熙明需岳牧，清淑鍾甫申。覽德苞影鳳，膺期綬
綰麟。豫章巨室器，朱絃清廟珍。穎鑠中州表，英

蜚東海濱豐年元博洽哲問擅譚諄白璧投知
已青雲自致身握蘭推右賤題柱見名臣一領
雙幡節三行五馬春中原堪攬轡都下且埋輪
分陝咨公奭專城借寇恂夙釐江右土重拊嶺
南民偃草仁風遠隨輶膏雨勻滔滔江漢紀矯
矯屏翰倫鄭衮謳從起燕棠雅嗣陳丹心同矢
直素質比絲純清世方暄席殷年忽解紳東山
屐蚤試南畝稼仍親跡以溟鵬息情于海鳥馴
婆娑棲鳳地偃蹇臥龍津社結白蓮侶朋從玄

草人看山能卻杖坐石獨垂綸吾道本高尚倚
公能隱淪嗟予性骯髒迨此稅囂塵谷口稱相
得柴桑可卜隣狂歌惟我好孤往任天真松柏
看俱茂絲蘿幸有因八公謔小桂千載頌靈椿

寄上 潘王

宗老多賢者河西有至人黃山開國舊赤壤苴
茅新顯被脈幡禮因緣肺腑親纂戎執睿策潛
景抱儒珎絕筆耽墳索先驅禮縉紳坐多飛袖
士門有曳裾賓楚醴時長設梁園賦更新八公

真異望七子總詞臣
歎下文章盛河間
禮樂醇
大王風泱泱
小桂葉蒸蒸
蒸北海書元善
東平頌
已陳朱明初
屆候寶誕及茲
辰命縷絲常結
重
絃調愈淳
筵鋪金孔雀香
裊玉麒麟
曲觀蓬萊
勝平臺閬苑
隣四阿交綺閣
千乘擁雕輪
鴻寶
開金鼎丹梯
近紫宸
慙非授簡客
容以屬車塵
不及陪飛蓋
聊茲詠大椿
願言千載壽
永納萬
方春

百韻詩

聖主奠皇極乾符乘六時自天開泰運無日不
親幾雨施羣方潤風行百辟知昆戎咸即叙北
姓與雍熙德以梓材正刑惟畫象期有嘉蒙士
誦不廢近臣規錫洛先推禹敷疇近訪箕震雷
逢豫動離照值豐宜文思欽唐帝神功創宓義
金暉懸鏡業寶氣借圖披藻共鮮雲揆恩同湛
露斯五行初在範八政末為師鄉士占疑月農
人知祀祗禱因作聖暇寵逮保衛私翼衛長從
丙明言夙惠伊烟香臨宸黼電火溢宗彛扎煮

侔兮琰章成比出絲玄波東注濶彩羽南方奇
吁咈隨聞籟逍遙任攝提時風被廣術宿霧廓
遐陲奉瓚重玄格求珠七聖迷阿房巢鳳鳥別
輦載熊羆暫御朝承渥工官夕獻詩王心居不
宰至德號無為有象元非大能名亦是卑何如
尊古訓端處執前著下訪合宮道中承宣室釐
萬年凝寶命一語寵華綏拜手才同虎知音欲
讓夔以從大夫後敢布小臣辭

印

紅爐鑄出質堅剛布命 朝廷法製良寶篆深
藏金縷細銀珠新染玉文香宮中示信流千古
闕下頌榮遍四方却憶蘇秦遊六國腰懸如斗
志鷹揚

蟠菴行為趙少宰

曼倩日侍承明庭 天子不知是歲星一朝東
遊吉雲澤還驅神獸歸延靈龜山金母下珠蒂
玉盒盛栴有殊味此栴一花三千年曼倩三往
恣啖茹脩然垂龍向海涯棄枝濯濯逢黃眉眼

裏青光燭羣品伐毛洗髓真嬰兒趙公稜稜秀
仙骨古心潔似秋空月曳履高連上相階註名
早挂崑崙闕李生貌此真神工筆底颯颯生剛
風世人肉眼誰先覺望氣獨有太王公

崑崙篇

崑崙八柱高矗天大瀛九環相鈎連南樞老人
長燭地出日八月朗無前東王木公西金母老
人常狎以為友瑤池玉樹三萬丈閩風重關虎
豹守有時鶴駕恣嬉遊五山不動神鰲浮金書

碧簡發竒秘紫芝丹草隨攀求今歲重光大芒
落靈圖已著龍駟作堯時甲子豈稱遙老人上
殿天顏樂大椿春秋萬六千老人自祝稱少年
手持一軸龍文記即遇材豪不肯傳

畫百子圖歌應制

金屏繡幕春風起柳鞦花嬌鶯燕語續紛百子
競春光遲日嬉遊芳徑裏小兒秀髮光照人穠
李為膚殊為唇大兒勝帶氣清徹秋水雙瞳騰
有神玲瓏錦石藏身入藉草攀條坐還立日暎

花枝紈綺明露垂柳葉髻鬟濕刻鳩為車竹為
馬撲蛾調鳥鞦韆下幻成百戲總稱妍率意尤
非好弄者掌中之珠良足重或云孔釋親抱送
渥洼汗血種成龍丹穴歲蕤雛是鳳鳳雛龍種
世所羨百子池頭今始見自是吾皇慶有餘
螽斯秩秩日蕃衍又道詩人歌采首關雎應叶
麟之趾祠官何用事高禰華封已報多男子

帝京午日歌

蕤賓紀良節金縷應嘉辰宮闕烟光歛山河景

色新長安大道真如矢三條九陌無埃塵夾槐
複路通仙苑垂柳平堤接綺闈徐日中天萬戶
動景風清道千人從青牛白馬紛如馳玉路金
羈無數控簪履襟裾何若都五侯七貴相迎送
妖童挾彈臂飛鷹娼妓凝妝髻盤鳳陌上相望
不相知絡繹追尋海子湄隱隱朱城圍翠幃深
深金谷駐檐帷珠襦寶帶風前解錦瑟銀箏日
下披翡翠屠蘇孔雀障鴛黃大杓瀉鵝卮買笑
追懽日不足鏘金鳴玉環水曲蹋歸百草毒可

攘繫出五條命且續結縷仍將艾葉懸祓祥却
把蘭湯浴但知令序足芳菲尤喜昇平多潤沃
我來戚里列侯家倚閣疑乘天漢槎雲薄黃山
朱拱麗水迴素滙綺弧斜垂菱布藻鏡如拭蔭
樹縈藤席半遮竟日淹留投我轄使我不得擁
青騶須臾山黑日欲暮紛紛軒駟紅塵度公子
王孫合沓歸摩肩擊鼓忘來路人生行樂須及
時隙中之駒草頭露有歌有舞宜蚤為虛名虛
利何須驚君不見楚屈原汨羅之水空浼浼又

不見晉介推綿上之山何纍索嗟嘆二子徒殉
名忠君不忘捐其生遂令後人誦此義競舟禁
火傳為異我輩生逢明盛朝康衢擊壤歌唐堯
曼情陸沉在金馬長卿著書茂陵下得時則駕
失則行何能齷齪與世爭請君醉我一斗酒酒
後耳熱發狂走為君醉書午日歌午日歌兮柰
我何

無弦歌

有引

摩訶菴上人如序雅有戒律樂與士人談

論工于琴興至數弄以有道之器寄無景
之情誠緇流中高致余乘暇一往聽而忘
倦乃又自號無弦蓋心意既得萬境俱忘
解脫形器之外了無罣礙尤不易得者因
作無弦歌以志一時相與之意

浩浩萬有無為宗禪家頓悟色亦空法眼大觀
有序公萬境渾忘寐滅中覺路漫登絕塵踪慈
航普度開愚蒙有時出定活襟胸傳燈席半理
焦桐手摩瑤軫調難終繁弦合沓聲縱橫高若

泰華插蒼穹江河浩蕩流不窮伯牙千載契其
衷子期妙賞樂相從野狐亦解聽西東白鵠翔
兮神明通此心無倚著物不可牢籠得意超然
形迹外有聲却與無聲同身寄浮雲隨出沒苦
海長辭作大雄

鹿麋篇

甞甞其鹿食在野疇為取之華省下太原太宰
好佳賓對此式燕歌周雅嗟哉二鹿真絕竒毛
斑如画絳足儀有角不觸尾促促馴然可狎復

可騎省中賓客如雲擁鹿也隨之心不竦或奔
或倚或攸伏相傳云是神仙種牌垂骨瘦丹始
成三十六日麋乃生落地變為千歲獸霜毛散
作瑤光精牡鹿趨前牝隨後引子翩翩繞堦走
仁麟威鳳世所希此鹿生來良不偶是時少宰
上最書承恩伏謁承明廬 聖王酬庸頒異賞
鹿來叶應其祥歟我聞三公車輜畫作鹿鄭侯
行春雨夾轂亦聞三角鹿生江陵中星符註載
鄉居同古來瑞應每如此今日之祥毋乃爾太

宰作歌喜不極，搦管如椽爛滿紙。少宰君少宰，君乘時早建，非常勲。清朝神物不虛產，天降時雨山出雲。

送呂山人行

山人構居明山阿，瑰竒得自山靈多。鬚眉恍帶烟霞色，雙瞳炯炯口懸河。二十杖策酣燕市，籍籍聲華蜚帝里。談劍將棄終軍襦，出關直欲靜邊壘。有時振衣覲岱峯，幾憑日觀扶桑紅。倦遊去作梁園客，免園賦出詞爭雄。瞥然拂袖返

南轍浮江泝淮探禹穴赤手朝攀海若雲素裾
夜躡山陰雪山人踪跡遍塵寰十年萬里方歸
山余辭閭闔省故廬竭來獲與之攀躋傾蓋意
氣兩相得却欲中年始一識時肯載酒扣玄關
亦復抽毫邀翰墨奴隸大曆無足傳取律上遡
開元前短咏悲吟口翕戢志希李杜常千篇肺
腑更成泉石痼每駕青虹披蒼霧負笈邀余陟
四明一春風雨連朝暮風雨連朝可柰何倘恍
山人蕝浩歌江情海思一朝動便欲買棹揚素

波鶯花爛熳之何處鴻飛冥冥去何遽纔得攀
歡即愴離人生飄轉如飛絮征旆搖搖西向齊
雨中草色寒萋萋滄洲水碧蒲為岸稷下春深
花作泥此時到處堪登眺漫惜天涯阻娛笑逢
人且欲奏齊竽知己能無憐郢調行間若遇南
歸鴻寄我好音來山中他年縱有如澠酒儻續
山遊遲爾東

送朱國榮

送送閩南尹因為越客吟世人多貴耳而子少

知音悵獨非。臆舉憑誰嗟。陸沉荆山。悲白石。燕
駿失黃金。知子不能薦。奚言愜素襟。却話十年
事。贈之千里心。夏雲滿修甸。明月照荒林。離別
非所嘆。功名當自任。津起延平劍。堂橫宓子琴。
莫言巖邑小。不受瘴氛侵。遲子以士考。相期慤
盍簪。行矣願努力。慎勿怨商參。

友人有待歸園之詠枕上次韻荅之

背郭茆堂江水鄉。江干十里隱垂楊。尊前容易
韶光過。莫遣楊花撲酒香。

山房窈窕白雲間
飛夢何時不到山
風雨一牀淹伏枕
幾時載酒共君還

懷歸

短疏黃冠未得送
大刀心折景陽鐘
百年葵藿愁仍滿
千里松楸望轉濃
石戶亦應招解珮
鹿田誰為許支筇
墨痕題向天邊去
駐眼看山隔幾重

即事

夜分綾被春寒重
曉際花磚日影無
通籍未嘗

聞請謁上書不必乞江湖
聖朝無闕堪焚
清署何妨獨據梧
騎馬人誰題尺牘
閉門吾欲
著潛夫

河豚五首

海上河豚向未知
嘉魚此外更無奇
壯人純食
西施乳想像吳王宮裏時

毒在河豚未可知
阿儂拚死只求奇
癡將鰓白
同施乳醉殺吳王此一時

乳襯嬌胸那得知
漫同魚白共稱奇
捫來西子

余文敏公集卷之十二
含顰日正是微聞薌澤時

肥婢當年乳可知雞頭肉與塞酥竒胡兒若識
純滋味肯使西家擅一時

海味由來海上知長安得此更為竒可知一夜
秋風發張翰思鱸在此時

余文敏公文集卷之十二終